

Nakon sprovedene procedure konkurentskog postupka na način i po postupku predviđenom odredbama Zakona o javnim nabavkama BiH, zaključuje se

U G O V O R
O NABAVCI USLUGA SISTEMATSKOG PREGLEDA

između:

JAVNE USTANOVE "APOTEKE SARAJEVO", Sarajevo, Aleja Bosne Srebrene bb/IX, koju zastupa generalni direktor Nedim Hrelja mr. ph. MBA (u daljem tekstu **Naručilac**)

i

JU ZAVOD ZA MEDICINU RADA KANTONA SARAJEVO, Sarajevo, Bulevar Meše Salimovića 2, ID: 4200298890007, koje zastupa direktor prim. dr. Samir Čovrk, spec. interne med. (u daljem tekstu **Izvršilac**)

I PREDMET UGOVORA I CIJENA

Član 1.

Predmet ovog ugovora je nabavka usluge sistematskog pregleda radnika JU "Apoteke Sarajevo", kako slijedi:

	A	B	C	D
Redni broj	OPIS USLUGE	Jedinična cijena usluge/korisnik usluge	Broj korisnika usluge sistematskog pregleda	Ukupna cijena usluge (BXC)
1	Laboratorijske pretrage – SE, KKS, DKS, ŠUK, kreatinin, urea, holesterol, trigliceridi, AST, ALT, Fe, urin,	20,00	418	8.360,00
2	EKG sa interpretacijom i mišljenjem interniste	4,00	418	1.672,00
3	RTG pluća, pregled sa očitanjem pulmologa	4,00	418	1.672,00
4	ORL pregled – otoskopija	4,00	418	1.672,00
5	Audiometrija – pregled sluha	4,00	418	1.672,00
6	Pregled specijaliste oftamologa	4,00	418	1.672,00
7	Pregled specijaliste neuropsihijatra	4,00	418	1.672,00

8	Pregled psihologa	4,00	418	1.672,00
9	Pregled specijaliste medicine rada	4,00	418	1.672,00
10	UZ pregled abdomena	18,00	418	7.524,00
11	UZ pregled štitne žlijezde	7,00	418	2.926,00
12	Ultrazvuk dojki za žene	15,00	374	5.610,00
Ukupna cijena bez PDV-a				37.796,00
Popust (____%)			-	0,00
PDV			-	0,00
Ukupna cijena sa popustom bez PDV-a				37.796,00

Ponuda broj 01-10-1222-1/19 od 26.11.2019. godine je sastavni dio ovog Ugovora.

II ROK I NAČIN IZVRŠENJA

Član 2.

Izvršilac se obavezuje da će pružiti uslugu sistematskog pregleda radnika JU „Apoteke Sarajevo“ u roku od 45 (četrdesetpet) dana od dana zaključenja ugovora.

Sistematski pregled će se obavljati radnim danima (ponedjeljak-petak) u grupama od maksimalno 20 radnika u jednom danu. Ponuđač je dužan obezbijediti za svakog radnika obavljanje kompletnog sistematskog pregleda u jednom danu i na jednoj lokaciji.

Izvršilac je dužan imati, za cijelo vrijeme trajanja ugovora, angažovane doktore specijaliste za sve preglede i pretrage definisane u specifikaciji.

Naručilac usluga će dostaviti spiskove sa imenom i prezimenom radnika, te planiranim datumom pregleda najkasnije u roku od 5 dana od dana zaključenja ugovora.

Nakon obavljenog pregleda Izvršilac je u obavezi da u roku od 8 dana sačini jedinstven, kvalitetan i stručan izvještaj o zdravstvenom stanju radnika Naručioca usluga sa zaključcima i prijedlozima koji minimalno sadrži: specifikaciju obavljenih pregleda, ukupan broj radnika koji su obavili preglede, navesti listu najučestalijih bolesti radnika (posebno za muškarce, posebno za žene), koji će u ime naručioca preuzeti ovlašteno lice.

Izvršilac je u obavezi da u roku od 15 dana od dana obavljenog sistematskog pregleda dostavi pojedinačne nalaze za svakog pregledanog radnika, na adresu ugovornog organa, zapečaćeno, sa navedenim imenom i prezimenom radnika čiji se nalazi dostavljaju.

Za slučaj indikacije za određenu vrstu pregleda, Izvršilac usluga je u obavezi da sačini uputu o daljem zbrinjavanju (liječenju) radnika.

III KVALITET USLUGE

Član 3.

Izvršilac garantuje da će Naručiocu izvršiti cjelokupnu naručenu uslugu kvalitetno, u skladu sa pravilima struke, u protivnom, Izvršilac je obavezan da Naručiocu naknadi pretpjelu štetu.

IV NAČIN I ROK PLAĆANJA

Član 4..

Rok plaćanja za usluge iz člana 1. ovog ugovora je 60 dana od dana zaprimanja fakture, koja se izdaje nakon izvršene usluge i dostavljene pripadajuće dokumentacije iz člana 2. ugovora.

Uplata se vrši na transakcijski račun Izvršioca, naznačen na fakturi.

V SAOPŠTENJE I REKLAMACIJE

Član 5.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

VI TRAJANJE UGOVORA

Član 6.

Ovaj ugovor se zaključuje na period od 06.01.2020. do 06.03.2020 g.

VII PRELAZNE I ZAVRŠNE ODREDBE

Član 7.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 8.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 9.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 dana.

Član 10.

Ovaj ugovor je sačinjen u četiri istovjetna primjerka, od kojih po dva primjerka zadržava svaka ugovorna strana.

JU „Apoteke Sarajevo“
Nedim Hrelja mr. ph. MBA
Generalni direktor

.....

Broj: 01-03-2608/19

JU Zavod za medicinu rada Kantona Sarajevo
Prim. dr. Samir Čovrk, spec. interne medicine
Direktor

Broj: 10-1222-4/19

Sarajevo, 27.12.2019. godine